



UNIVERSITÄTS-
BIBLIOTHEK
PADERBORN

Analysis Methodica Ivis Pontificii

Venator, Daniel

[S.I.], 1579

VD16 V 541

De Offcio Iudicis. Titulus XXXII.

[urn:nbn:de:hbz:466:1-63204](https://nbn-resolving.de/urn:nbn:de:hbz:466:1-63204)

152 ANALYS. IVRIS PONTIFICII
quoniam, ut dicitur in c. i. extr. de off. Archidia-
coni, sanguis subditorū à Deo, coram quo tene-
bitur de omnibus rationē reddere, de manibus
suis in die iudicij requiretur.

A X I O M A T A.

Licet in genere, quod non licet in specie, c. si sacer-
dos, extr. eod.

Lex diocesana, & lex iurisdictionis, differūt: vnde
res iudicata in una non obstat agenti in alia, c. dilectus,
extr. eod.

Episcopi, qui per se non possunt, tenentur assumere
idoneos coadiutores in diuinis ministerijs, c. inter cate-
ra, extr. eod.

Ad hoc, ut habeat iurisdictionem Prælatus in cleri-
cos, vel in Ecclesijs electus, oportet quod & vniuersitas,
qua eligit, sit clericorum, vel religiosorum, vel alias idē
Prælatus iurisdictionem de Ecclesiastico Prælato reci-
piat, & quod electus sit clericus vel religiosus: cūm ali-
ter non dare, nec recipere possunt spiritualem, scilicet,
excommunicandi, interdicendi, & consimilium, iurisdi-
ctionem, c. contingit, extr. de arbitris.

DE OFFICIO IUDICIS.

Titulus XXXII.

Continuatio.

CVm iurisdictiones fint variæ, vario etiā iu-
dicis officio administrantur: merum qui-
dem & mixtum imperium nobili, simplex
verò iurisdictione mercenario, iudicis officio ex-
peditur.

Quid



Quid Iudicis officium?

Iudicis officium est, potestas, quæ ad dirimendas lites, tollendaque grauamina quomodolibet secundum æquitatem exercetur, vt per hoc religionis, & Reipublicæ statui publicè & priuatim consulatur.

Quotuplex Iudicis officium? Et quæ causa Efficiens?

Officium Iudicis duplex est, nobile & mercenarium. Vtriusque causa efficiens est, iuris, vel cōsuetudinis, authoritas, vel cōstitutio Principis, vel eius, qui ius dandi iudicem habet.

Quod Subiectum?

Subiectum est, quilibet, nisi natura, lege, vel moribus prohibeatur.

Quod nobile Iudicis officium?

Nobile iudicis officium est, quod iudex sua, id est, iuris authoritate exercet, etiā si nulla proponatur actio, & interdum nomine proprio, nomine petente.

Quod obiectum nobilis officij Iudicis?

Obiectum huius est, inquisitio, & punitio scelerorum, in integrum restitutio minorum, facultas concedendi veniam ætatis, constitueri tutores, vel curatores adultis, restitutio natalium, restitutio famæ, honoris, creatio notariorum, executio sententiæ diffinitiæ, & omnia alia, in quibus Iudex impertit officium suum alicui priuatim imploranti, aduersus eum, cum quo de stricto iure nullam habet actionem: sed

K 5 qui

154 ANALYS. IVRIS PONTIFICII
qui interim ex sola æquitate, & quod dicitur, de
bono & æquo ei obnoxius est: vel quotiescumq;
quis petit à iudice quicquā, in quo alterius per-
sonæ non vertitur consideratio, vt notat Zaf. iii.
l. 1. ff. de iuris omnium iud.

Quid Mercenarium?

Mercenarium iudicis officium est, quod auctio-
ni propositæ cohæret, eiçq; deseruit.

Quod Obiectum mercenarij?

Obiectum huius sunt, omnia interloquuto-
ria, quib. cœpto iudicio iudex aliquid præcipit,
vetat, vel permittit, l. ædiles, §. item sciendum,
ff. de çdilit. edicto. Quinimò, cognita iam cōtro-
uersia, illud iudicis officium deseruit etiam cau-
ſæ definiendæ. Nam omnes sententias, iudex ex
officio, pronuntiare dicitur, tam super re con-
trouersa, quā super fructibus, dannis, sumptu-
bus litis, alijsq; accessionibus.

Q V A E S T I O.

*An iudex secundūm allegata, contra
conscientiam iudicare debeat?*

Quomodò autem in officio suo se gerere: an
secundūm allegata & probata, & ex auctis contra
conscientiam iudicem iudicare oporteat? qua-
stio est, multis temporibus, varijs Doctorum ra-
tionibus & opinionibus in diuersas partes agi-
tata. Tu distingue: Aut agitur de causa ciuili, &
iudex propriam conscientiam in iudicando se-
qui non debet, sed propter publicam iudiciorū
authoritatē, secundūm allegatas à partibus pro-
bationes



bationes sententiam ferre, 1. illicitas, §. veritas,
ff. de off. præsid. c. pastoralis, §. quia verd. extr. de
off. deleg. gl. & Dd. in c. i. extr. de off. ord. Imò e-
tiam, secundum leges & Canones, postposita cō-
scientia, c. summopere, 11. quæst. 3. c. iudicet ille,
3. quæst. 7. c. si tantum, 6. quæst. 2. l. rem non nouā,
C. de iud. Nec obstat, quod ab alijs affertur, veri-
tatem omnibus rebus præualere: &, propter in-
quirendam veritatem iudiciorum solennia esse
instituta, non vt seruiret iudicijs veritas, c. vnde
vi, &, c. veniens, extr. de iure iur. peccare q̄ eos iu-
dices, qui contra conscientiam iudicant, Eccl. 4.
Hisce enim respondeatur, né iudiciorum autho-
ritas vilescat, non conceditur iudici, neglecta co-
gnitione publica, quæ ex probationibus hinc in-
de factis elicetur, ex priuata scientia iudicare.
Quia secundum allegata & probata iudicando
non peccat: cùm nō ex cuiuslibet priuati instru-
ctione, sed ex confessionibus, depositionibus, al-
legationibus, & alijs, quæ in eius præsentia pro-
ponuntur formare animi sui motum debeat, c.
in præsentia, extr. de renuntiat. &, vt publica
persona, postpositis proprijs phantasijs, & con-
scientia, quæ plerunque erronea esse solet, pro-
ut facta in iudicio sibi est fides, iudicare, c. placu-
it, 6. quæst. 2. Si autem de causa criminali agitur
rectius faciet, si sequendo conscientiam Reum
absoluat, vel in tanta ambiguitate & discrimi-
ne rerum deponendo iudicandi officium, cau-
sam alteri cognoscendam & definiendam com-
mittat, Ioan. And. in add. ad Spec. tit. de
dif. & alleg. aduoc. §.
final.

DE